

TARIKH	26 / 10 / 2012	SEKSYEN	Nasional
MUKA SURAT	f1,2	RUANGAN	Supplement



Korban demi jihad

» *Petugas TH utamakan
kesejahteraan jemaah haji*

Oleh Nor Affizar Ibrahim
afizar@bharian.com.my

Hakikatnya bukan hanya jemaah haji menjadi tetamu Allah saja dibaluti rasa rindu dan sedih apabila berjuhan, tetapi gelodak perasaan dirasakan petugas haji dan keluarga mereka. Namun, demi tugas dan amanah perlu dipikul, perasaan itu dibenamkan.

Dengan jiwa kental, petugas berazam memberikan khidmat terbaik supaya segala urusan untuk semua tetamu Allah berjalan lancar.

Bertugas sebagai Ketua Unit Pentadbiran Jabatan Haji, Mohamad Nasir Yusoff, berkata sepanjang berkhidmat 27 tahun dengan Lembaga Tahun Haji (TH) hanya 10 kali berpeluang menyambut Hari Raya

Korban bersama keluarga, selebihnya bapa tiga anak itu berangkat ke Makkah sebagai petugas haji.

"Menganggap rezeki bekerja di TH saya beruntung kerana dapat membantu jemaah haji melakukan ibadat rukun kelima. Apabila mereka dapat pahala dan sempurnakan ibadat haji, saya juga dapat pahala dan keberkatan," katanya yang ditugaskan di Jeddah tahun ini bagi menguruskan keberangkatan pulang jemaah haji ke Malaysia. **● F2**



TARIKH	26 / 10 / 2012	SEKSYEN	Nasional
MUKA SURAT	F112	RUANGAN	Supplement



DULU ANAK MASIH KECIL, KASIHAN JUGA KERANA DITINGGALKAN LAMA DAN SELALU SAJA TIDAK DAPAT MENYAMBUT AIDILADHA BERSAMA. SETIAP KALI RAYA, KALAU SAYA BERTUGAS DI MAKKAH, MEREKA TERPAKA BERSAMA BERSAMA SAUDARA MARA DI KAMPUNG"

Mohamad Nasir Yusoff,
Ketua Unit Pentadbiran
Jabatan Haji, TH



Kenduri doa selamat dihadiri keluarga dan rakan sebelum berangkat ke Makkah.



Aidiladha tanpa keluarga

O Dari F1

Keluarga memahami
Mohamad Nasir berkata, berpisah lama, jauh dengan isteri dan anak memang sedih, malah ada kala terbit perasaan risu, tetapi dek sudah lali hampir saban tahun mengalami perasaan itu, kini ia bukanlah cabaran atau masalah besar lagi. Tambahan, ketiga-tiga anaknya sudah besar dan biasa ditinggalkan serta amat memahami tugasnya. Katanya, sebagai petugas, kepulangan ke tanah air tiada jadual tetap penerbangan seperti mana jemaah haji lain. Kebiasaannya tempoh petugas berada di Tanah Suci lebih lama daripada jemaah haji dan beliau pernah berada di sana sehingga 75 hari untuk memunaikan tugasan.

"Dulu anak masih kecil, kasihan juga kerana ditinggalkan lama dan selalu saja tidak dapat menyambut Aidiladha bersama. Setiap kali raya, kalau saya bertugas di Makkah, mereka terpaksa beraya bersama saudara mara di kampung. Tetapi hendak buat macam mana, saya bertugas dan bukan tidak teringin berhari raya dan menghabiskan masa bersama mereka seperti keluarga lain," katanya yang turut bersyukur komunikasi canggih hari ini memudahkan mereka


Mudah berhubung
Nasir memberitahu, jika dulu dia terpaksa menyediakan syiling yang banyak setiap kali menelefon keluarga di Malaysia tetapi kini dengan adanya teknologi canggih sekarang kurangnya, tiga hingga empat kali sehari dia menghubungi keluarga, sekali gus mereka sentiasa 'lekat' dengannya.

Mengenai kesukaran dihadapi sepanjang bertugas selain berpisah dengan keluarga, Mohamad Nasir berkata tugas semakin mencabar lazimnya apabila tiba kemuncak mengerjakan haji iaitu di Arafah dan Mina.

"Sebagai petugas kami perlu pastikan pergerakan jemaah teratur dan lancar manakala keselamatan dan kebajikan mereka dijaga. Bagi saya, ketika membawa dan menjaga jemaah warga tua khususnya, mereka saya anggap seperti ibu bapa sendiri dan menolong mereka apa yang sepatutnya," kata-



Noraini menyiapkan barang keperluan suami.




Terowong pecah, tragedi ngeri menyayat hati

Dua pengalaman terowong pecah di Mina dan batu jatuh serta menghempap ibu pejabat TH di Janadhrhiah, lebih 10 tahun lalu masih melekat dalam ingatannya, sekali gus menambah keinsafan sebagai insan kecil di sisi Illahi.

Mohamad Nasir berkata, pengalaman tidak boleh dilupakan sepanjang menjadi petugas haji ketika tragedi terowong runtuh, di Mina pada 1990 yang mengesankan beratus-ratus jemaah haji.

Katanya, meskipun tiada di tempat kejadian ketika itu tetapi pengalaman menziarahi jenazah mangsa terkorban termasuk yang mati dipijak amat memberikan kesan dan keinsafan.

Peristiwa kedua ialah kejadian di Janadhrhiah, pada 2007 yang mana batu jatuh dan menghempap ibu pejabat TH.



Pengalaman pahit manis


"Ketika kejadian, saya bersama empat rakan sedang duduk di tepi bangunan. Waktu itu hujan renyai-renyai dan kami perasaan ada pasir jatuh sedikit demi sedikit. Tetapi entah macam mana belum sempat buat apa-apa, tiba-tiba ada batu jatuh seperti busut runtuh dan menimpa kami. Cuma tidak menghidapi cedera. Mengucap panjang kami ketika itu, tetapi sedihnya walaupun kami berempap, ada rakan terkorban dalam kejadian itu," katanya mengimbas tragedi ngeri itu.

Memunyai banyak pengalaman dan melalui pahit manis ketika bertugas, Mohamad Nasir menasihatkan setiap petugas perlu ada keikhlasan ketika melakukan tugasan dan pastikan kesihatan fizikal dan minda sentiasa bersedia untuk berkhidmat.

"Membantu tetamu Allah insya Allah katanya, akan dapat pahala. Walaupun kecil, dapatlah juga pahala itu. Jadi, sebelum bertolak walaupun sudah biasa ke sana, perlu juga buat persiapan fizikal, jiwa dan menyiapkan keperluan dibawa," katanya yang sering menjadi rujukan rakan sekerja.



TARIKH	26 / 10 / 2012	SEKSYEN	Nasional
MUKA SURAT	F3	RUANGAN	Supplement



Fahami erti pengorbanan

Hikmah ibadat korban untuk menghidupkan erti pengorbanan dilaksanakan oleh Nabi Ibrahim AS ketika Allah SWT memerintah menyembelih anaknya Nabi Ismail AS, yang kemudian menggantikan sembelihan seekor kibas wajar dialami semua umat Islam.

Keimanan dan kesabaran yang ditunjukkan oleh Nabi Ibrahim itu sekali gus mendidik manusia memahami erti pengorbanan.

Justeru, ketibaan Aidiladha tahun ini, memberi ketabahan kepada ibu tiga anak, Noraini Isa sekeluarga kerana memahami erti pengorbanan terutama melepaskan suaminya, Mohamad Nasir Yusoff, melaksanakan tanggungjawab sebagai petugas TH pada musim haji tahun ini.

Noraini juga pernah bertugas dua kali sebagai petugas haji memberikan pengalaman cukup bermakna dan begitu memahami pengorbanan berkenaan. Lebih manis pengalaman pertama pada 1996, beliau dapat bertugas bersama dengan suaminya.

Noraini berkata, walaupun ketika itu dia bertugas di Makkah manakala suami di Jeddah, ia antara detik tidak boleh dilupakan terutama apabila terpaksa berpisah lama dengan anak.

"Ketika itu kami baru dikur-



Noraini Isa

niakan seorang anak dan usianya baru tujuh tahun. Memang sedih apabila meninggalkan anak masih kecil kepada adik-beradik tetapi pada masa sama, perasaan saya ketika itu begitu melonjak untuk menjadi tetamu Allah. Terasa rugi jika menolaknya, kebetulan tahun itu ibu saya juga berpeluang menunaikan haji," ceritanya



yang bertolak ke Makkah selepas dua minggu suami berlepas ke Jeddah.

Selindung perasaan

Noraini yang kini bertugas sebagai pegawai kerani di Lembaga Urusan Tabung Haji berkata, kali kedua bertugas di sana ialah pada 2001 selepas itu membuat keputusan, cukuplah jika suami seorang saja yang pergi.

"Kali kedua pergi, suami tidak ikut serta. Jika kedua-dua pergi memang sukar sedikit. Sebenarnya, saya kasihan dan amat risau tinggalkan anak lama-lama sebab itulah selepas dua kali bertugas sebagai petugas haji, saya tetapkan fikiran biarlah suami saja yang pergi bertugas di sana manakala tanggungjawab saya menguruskan hal anak di sini. Bayangkanlah jika kedua-dua pergi, lagi kasihan anak-anak.

Kongsi perasaan

Walaupun, mereka sudah besar dan yang sulung sudah bekerja, jika boleh biarlah mereka sentiasa di depan mata saya," katanya yang lazimnya bertugas bahagian kewangan dan membantu bakal jemaah ketika bertugas sebagai petugas haji.

Berkongsi perasaan apabila berjumpa dengan suami Noraini berkata, sebagai isteri sudah tentu perasaan risau bermain dalam fikiran setiap kali suami bertugas di tempat orang. Lebih-lebih lagi, jika mendengar khabar berita atau perkara tidak menyenangkan berlaku di sana.

"Saya tahu dia pergi bertugas



“

SAYA SEDIH KERANA AYAH SERING TIDAK BERSAMA KAMI MENYAMBUUT HARI RAYA KORBAN"

Nor Fatim Ayuni, Anak

tetapi kadangkala tidak dapat mengelakkan memikirkan pelbagai perkara membimbangkan. Misalnya, ketika kejadian pejabat TH ditimpa batu, ia benar-benar membuatkan hati berasa tidak tenteram sehinggalah dapat mendengar suara dan panggilan suami dari sana, barulah lega. Sebab itulah setiap kali suami pergi ke sana, saya berpesan supaya kerap telefon kami di sini," katanya.